

蕪州志卷之二十

知蕪州事虞山錢 峯纂輯

外志

仙釋

舊志彙二氏于人物其敘列繁複不勝紀豈南北分宗始于破額重之以有明諸藩爭事長生有以致之歟今頗刪節亦稍稍取証於他書仍彙入外志以別之

五代晉

蕪州志

卷之二十

仙釋

羅翼不知何處人相傳飛昇于乾明磯磯上石踵踵若履跡然後人遂建閣于上名之曰飛仙今廢又劉六者同時人居大浮山亦飛昇去

唐

費郎君者名光輝世畊大明山母劉氏餉夫元昇遇雷雨晝晦欣欣若有感遂娠三年乃生郎君四歲就塾師學好從澗中浴師跡諸澗則龍也遂失所在一日歸立簷下約父母俱往如期風雷拔屋以父母去

王全飛昇于天長觀中

司馬氏道信宗派所稱四祖也初卓錫於州之鳳凰山既徙破額山卽山以其法傳宏忍稱五祖後俱徙黃梅蘄有神秀者禮五祖于黃梅遂開南北之宗

令珪涿州人母夢一星墜懷而生卓錫於三角山山多虎珪至虎悉遁去因號伏虎禪師後祈雨輒應仁宗高宗俱有賜號

手巾菴張祖師者貞觀時人菴旁有巨石先爲神魯

原所據師欲奪之約與俱浴原起師覆手巾于上原搗再三不能起師卽石上坐原怒登山發三大石擊之二左右植一幾及頂師掌承之遂結爲龕掌及手巾迹猶存菴因以名

白崖和尚住高溪寺一日溪水有血流出塗人指之沿溪行見白崖手列一人腹曰若欲悉吾教吾爲若滌臙胃耳語畢忽失所在跡之見一石齒刺山麓儼然白崖也其上有詩云金殿重重鈴動風六龍飛入白雲中晚來落盡前山雨人借山房鶴借

松

詹祖師卽宏簡坐化于馬口寺

二梵西竺僧隋唐間三僧入中國一住興國東方山
一住州之三角山二梵住圓峰山屢著靈異山半
有泉土人所雨輒驗

宋

麻衣道者姓李名和生而紺髮美姿容常入終南山
遇異人授一牒曰南陽之間湍水之陽神開汝鄉
汝則往之可以翕神蒼茫後得樵者導其處居之

新州志

卷之二十

仙釋

三

十九年義熙中旱居民張真率衆請雨麻衣苦無
術是夕有丈夫十二人來謁狀貌猗猗謂第許之
翌日果大雨與唐無藥禪師遺蛻俱存石鼓院中
戒和尚居五祖山東坡同山谷見清老清語坡前身
爲五祖戒和尚卽此

明

郝悟通者麥麩李之徒先是荆永定王迎麥麩李於
太和山破衲入王宮王問長生訣曰修身齊家長
生訣也送歸至漢上未及坼自舟中逸去後王幾

以罪廢國始悟李語因敬禮悟通萬歷中大旱王
命求雨自暴烈日中雨至而通坐化矣王以禮葬
之

雪菴和尚者托堪輿往來于州之崇居鄉長年不爲
人卜一地謂陳氏夫婦賢爲構一門一葬其先世
後不知所終著有字字金堊書行世舊載雪菴姓
葉揚州人建文時進士或曰卽郭節未知孰是

僧源潭與里中子鄧茂七善一日茂七從石窟中獲
一劍以示潭偶搗之飛禽望空首落潭曰此禍本

也請去之不聽挾之走閩正統中爲亂于沙尤古
田間有司命潭招撫潭仗一劍往與之飲醉起易
其劍擲江中亂遂平事聞詔建宏慧寺于蕪以居
之

歸宗語不虛發雖尋常談論必透宗旨萬歷間
袁世振迎住宗遠庵結十齋社

靈鑑江右人兄弟七人俱爲劍大將軍偏裨從征
死鑑遂棄家爲僧天啓間募修石鼓寺

張后山不知何許人嘗燿上樓燭一綫常晚一錢不

答乃引手向空取新衣舉止綽綽衆大笑忽問公等可少濟乎復向空出美酒肥炙餉之後坐於府物下長吏后山涕泣叩頭額盡瘡曰死矣願少乞我酒酒至后山目注之叫霹靂應聲自酒中起后山並桎械俱失所在不知姓名翁年可八九十好緣麟山高處卧或摔之墜笑自緣起如是三摔三緣起疑其瘖也一日言天地圓耳或驚問先生言矣何謂道曰耳其目曰其耳鼻其口口其鼻之謂道後失所在

德心白雲菴僧不識字惟日拜觀音一日傾淨水處生蓮花因閉關三年遂頓悟悉解諸經並博通文字言晴雨輒應後之蜀寺後有磐石坼裂有聲僧坐裂處誦心經石合如故

雲外歙縣汪氏子明末以諸生披剃爲僧先居匡山八九年人鮮知者後徙州之南嶽寺示寂時預定時日手書法語數千言又所著有宗鏡等書

四宏安慶人白龍潭寺僧工書法筋力稜稜得顏魯公體樊山王雅重之墨跡至今有存者

國朝

卧雲道人明宗室易姓李住元妙觀工詩不存稿僅
鴈字詩百首州人士傳誦之

丹九道人姓易名來成陝西人由麻姑洞來住元妙
觀工詩運腕臨帖預知化期著有崑崖集

佛幢居東山寺元初居三閣菴二僧後先大倡宗旨
時蘄當寇難之後士大夫頗言因果多從之

界定鎮國寺僧田氏子蘄州人臨濟門下麟瑞九世
法嗣性沉靜工書法托堪輿以自晦著有語錄

蘄州志

卷之二十

仙釋

六

宗一居氏子廣濟人明末讀書白鹿洞遇異僧披剃
了悟禪宗 國初住朝西菴著有語錄傳法容海
再傳悟源掌僧正教

最偉福興寺僧與陳友夏參究宗旨多所了悟示寂
後三年啓龕如生僅一小指朽焉

山月三角寺僧性沉靜通古籍除遊謁外終日焚香
默坐嘗曰吾山以鎮身月以居心故名州人士咸
重之

鳴菴東山寺僧結莖草亭吟咏其中蘄州有雨湖七

子社鳴菴與焉

慧澤蘄州三角山寺僧問師登寶座大眾側聆師卓
柱杖一下僧曰答即便答又卓箇甚麼師曰百雜
碎

迷指三角山寺僧有夙慧其胸空洞無物著有語錄
法嗣多宗之

天笠住大泉寺又住菩提寺凡九坐道場說法十二
會後寂于澗南著有語錄

雷門震和尚江西萬年縣方氏子年十八不就婚入

蘄州志

卷之二十

仙釋

七

廬山披剃悟宗旨後住蘄之大泉寺有語錄及雜
著

紹嵩居三角龍門寺著有語錄

磊菴龍門寺僧工詩著有語錄

靜惟 慈慶 工詩著有稿

按舊志載釋氏以山紀者若烏牙山之行朗清楚
彥賓三角山之真鎮法遇志謙四祖山之清皎諸
演端輝悟通志 仲宣曇華五祖山之山秀道初
大演表自凡十有八人以寺紀者四人若龍華寺

之曉愚開元寺之子琦瞿金寺之馬祖龍潭寺之
理公以地紀者一若壽聖蘄州人此皆無可紀述
姑附見于此以俟詳攷

寺觀

南北之宗皆寓于蘄其勝蹟猶有存者緇流黃冠之
所溺而處也故祠祀之外寺觀爲多抑神道設教聖
王隱用之以佐政令固有不可廢者與

城隍廟在麒麟山麓明成化間建嘉靖間修

國朝乾隆十五年陞州李秘重修知州錢鋆增修首庸

募費詳各碑記監生查用禮舊捐香火田

東嶽廟有五一在東門外明洪武間黃均建永樂間

陳仕冠重建鄉官孫天衢及老會捐置各田一在

關家衝洪武初闢岳建一在永福下鄉雲臺山嘉

靖間壽官熊維賢維岳等建一在大同鄉高砂里

十三戶約所一在青山鄉興隆山吳鳳關鳳棲等

建

三公祠在州城內洪武
年
提刑按

察使何公安撫

張公皆
及民者

三洞龍王廟在三角山宋慶歷間祈雨有應封侯紹興間進封王

鎮國寺在永福策山生員張錫爵廷男作楫作梅協占重修

百神廟在小西門外乾隆十二年僧廣照重修

白馬廟在州治中碑存 魯王廟在西關內

高山廟在北關外 三官廟在東關外

龍磯寺在江心

烈士廟在龍磯門祀王彥明洪武初士民公建景泰

新州志

卷之三

寺觀

九

中士民重建後並以祀王玠題其額曰二烈士廟詳王儼碑記

褒忠廟在州內祀正節侯李誠之義烈侯秦鉅今毀

文昌閣在南關外江心新生磯先是明萬歷戊子州

守徐公築基建亭吳明卿題曰浮玉後防道侯公

堯封韓公孫愛增築丙辰新安吳公國仕鼎建文

昌閣又置田膳士飯僧置渡春秋歲祀後王公世

德增築外磯李公如會重建浮玉亭於閣前士民

不忘其功祀侯韓二公像於關聖祠後又專祀吳

王李三公主于報功祠詳見李公本寧銘記載藝
文志

關聖行宮原在南門外最著靈應 國朝順治己丑

韓叅戎移建荆藩舊址今南門外基尚存

報功祠在南關外關聖祠右爲防道吳公國仕建基
尚存

四祖寺在鳳山麓隋大業間道信遊此唐武德中關
山爲寺後徙黃梅永徽初入寂賜號大醫禪師明
洪武元年僧正名鐸重建 國初李廷楷等募修

方丈僧源常募衆裝修僧象明施香火田

五祖寺在州東兩湖岸上唐貞觀間宏忍大師卓錫
于此明洪武間僧祖錫正統間僧法治管葺嘉靖

間永定王增修荆府擴而新之一名東山寺 國

朝順治十五年僧海蓮募建康熙甲寅鄉官李本

晟捐建鐘鼓樓雍正丁未李永慶承寧乾隆甲子

王鎮王鑾葺修觀音堂湯時弼修後殿吳蘭伯同

男胎元舊捐香火田 左有莖草亭僧鳴菴結雨

湖陰社

石鼓寺在羊子潦宋咸寧建明天順間僧永啟行化承奉阮佑修天啟三年僧靈鑑募化鄉官李瓊岳鎮華諸生孔庭訓盧如鼎等重修鄉耆郁其文施寺田

法勝寺在蓮花池北岸洪武間僧法崇開創天順二年荆靖王奏請爲祝聖道場仍請額得賜今名嘉靖戊子僧承玉永諾重修

鐵佛寺在北門內佛像皆鐵三鐵鎮斬陽此其一也明洪武元年比丘永明創嘉靖十九年荆府重修

蕪州志

卷之二十

寺觀

十一

乾明寺卽觀音閣明永樂中比丘知安遷建正統間福慶重修嘉靖五年荆府新之

昭化寺在州北三里荆府建成化八年僧智明重修地藏寺在州東十里

菩提寺在州東三十里明正統六年僧智英修成化五年僧惠錫重修

沙徑寺在州北一十五里明景泰間僧明珍修

龍門資教寺在三角山後梁僧慈應創宋仁宗賜額龍門高宗加賜資教明洪武元年僧正果重建

廣教寺在州北五十里白雲山明洪武間僧守住修
正統間僧明鐸重建

天竺寺在州北一百三十里明洪武十三年僧印信
修

古佛寺在州北一百八十里僧智誠建徐元施祀出
三峯寺在州北二百里僧智誠建

金山寺在馬下山正西久廢明正德十年僧德堅修
山主徐演遷去舊址里許

高溪寺在州北一百二十里宋紹興間僧白崖建

岩慧寺舊名清溪在州東一百五十里宋僧紹慶創

建明僧道真修宏治間奉勅改置

見仙釋
源潭傳

瞿金寺在州北唐貞觀間馬祖師建明洪武間僧盛
力修

大泉寺在州東十里山阿下有泉

松山寺在州東一百一十里碧雲峯明永樂間龍虎

慈僧卓錫於此旁有古松一株蒼古如畫遂名

靈虬寺在州北七十里明正統間僧福興重修

靈泉寺在州東八十里明景泰元年僧智寶修

圓峯寺在州西三十里

龍峯寺在州北十里

長流寺在州西三十里

漁田寺在永福鄉西湖尾有賈島詩刻

龍窟寺在永福鄉高家衝

郎山寺在州北明宣德元年僧本然剏天順間僧圓

通有碣

寶林寺在州北一百五十里唐貞觀建明洪武二年

僧無塵重建

科亭寺在州 百二十里明洪武廿八年僧守住建

新州志

卷之十

寺觀

十三

盤石寺在州東一百八十里唐貞觀間僧令一建四

祖寺僧智敞重修

南泉寺在州東十里僧廣善置香火田陸斗程尚海

尚湧捐水田壹石陸斗

紫金寺在州北一百八十五里四祖寺僧如霽修

成真寺一名存金在州北一百五十里唐貞觀間建

金鵝寺在州東一百二十里明洪武間建

永福寺在州北三十里雲峯山明洪武間建

三角資教寺在州北一百二十里唐貞觀間伏虎禪

師剏明洪武間僧正果修元至正間比丘德明有
碑記

城山寺在永福鄉城山之顛

開通寺在安平鄉紫玉山明末生員李具慶全慶施
基並香火田 國朝順治間僧元明募建

福興寺在陳家壩明荆王建

宗遠菴在東門外明萬歷間鄉官袁世振爲僧歸宗
建 國朝順治僧海蓮修

三閣菴在南門外明崇禎間鄉官饒京建盧紘重建

鉢蓮菴在兩湖中明天啟間鄉官楊芬建僧祖仗修
如是菴在東門外明天啟間僧海瑞建

潛智菴在五祖寺左僧海淵建

寶月菴在東門外教場口 祇園菴在文明門內

慈雲菴有三一在兩湖迎山鄉官饒京建盧紘修一
在青山鄉一在大同鄉

福勝菴在州東四十里盧時俊施基並香火田 國

朝順治間僧圓理圓慈募建有碑記

茶菴在彭思橋

雙井菴在州北舊傳劉五真人居此

元妙觀原在麒麟山宋祥符間道士李可道創明洪

武間道士王德榮遷建於東門外天順四年荆靖

王鼎建正德間荆王修正殿嘉靖間荆世子復修

鄉官宋誠王儼俱有記國朝雍正李元序之妻

陳氏施香火田

朝陽觀在永福鄉

溪山觀在州北宋元豐間道士桂道祿創明洪武間

道士江秋修

新州志

卷之二十

寺觀

五

天長觀在州東北晉永熙間王全真人創明洪武間

道士蔡會祥正德間道士盛從改建

天真觀在州北元至正間道士詹道元創明洪武間

道士王嗣斌重建

武當行宮在州治右荆府建

祈嗣宮在四祖寺左荆府建

三閭祠其址有五一在遞運所一在鴻宿洲一在羊

子境一在卦口一在王廠

關聖行宮在北門外貢生李廷慶居屋羅寇難其妻

李氏施爲廟祀關聖

萬壽宮在羊子墘江涯 國朝順治十五年豫章客

靳者建祀許真人生員盧瀨施基

雲臺仙院在州治內三眼井前鄉耆李時暘施基

奎星樓在外泮池左 國朝防道徐惺建知州錢蓋

重修崇居鄉候選州同陳法璧增修廊房前訓導

江魯福捐香燈銀四十兩生息州貢生馮以觀易

時敏與住持僧雲目捐置樓後園地

元善寺在州北一百八十里燕子崖下明末州人胡

蘄州志

卷之二十

寺觀

六

士鼎幼避賊于此賊至縱火焚死無算鼎方卧夢
神掣置深潭得免及寤抱木而浮嗣糾衆卽其地
建寺

龍巖寺在青山鄉僧止水建

歷化寺在永福鄉

石觀音寺在崇居鄉

迴龍寺在大同鄉

策山寺在永福鄉

海會寺在青山鄉

白塔寺

廣福寺在安平鄉

寧泉寺在三關橋王氏香火

極樂菴在迎山

朝西菴在大同鄉備崇一開禪于此

宛中菴一名城隍墩在第一關外陳士眉修建子超

超重修

華頂菴在大泉山陳士眉修

大泉菴在州東十里鄉官李本衍建

手巾菴在崇居鄉見仙釋

新州志

卷之二十

寺觀

十七

士子菴在崇居鄉原名賜子菴生員胡宣典宣表宣
謨改今名為士子肄業處也

六度菴在崇居鄉監生吳璘改建男生員洪兒監生

洪覺監修所捐賑族義倉在內詳碑記

行慶菴在永福鄉生員張錫爵之妻楊氏鼎建孫文

度超元應詔等重修

遠塵菴在青山鄉僧自成建

雲蔭菴 雲覆菴俱在州東二十里黃氏香火

廣福菴在青山鄉陳家壩

與善菴在大同鄉 桃園菴在青山鄉

龍井菴在永福鄉 蘓木堂僧漢月建

三祈菴在永福鄉 普照菴在大同鄉葉家山

萬壽菴駱恭先建 東山菴胡學晟建

大慈菴陳華重建施有香火田

仁壽菴胡以蔡建施有香火田僧智省住持

華嚴菴在州東大徑橋一名顧家菴顧氏香火

慧照菴在文明門內鳳山 霞玉菴在文明門內

石鼓院在盤龍山有麻衣道者無藥禪師二真身

慈雲閣在渴口下市陳贊元之妻熊氏鼎建男於校
於榮孫天縱監修

大琳宮在黃城河口 高店廟在青山鄉廠脚樓

二郎廟州城有二漕河有二

郎家畷鄉儺廟俗名戲廟在州南明洪武年蔡興伍
高俊建千戶戴祥改建

五顯廟一在四祖寺一在第一關一在崩岸頭

烈士廟在大同司祀田金浦

達城廟在青山鄉陳欲鰲募十域公建

火星廟在文明門內

芭茅山廟在鳳山門

天王廟在熊畫嶺

四官廟在北關外

按舊志祠廟已廢者概不錄若三公祠褒忠廟報功祠有功德于蘄者仍存其名以待修建

附
鬼神

志鬼神自盧氏續志始其說謂爲蘄一方專祀而設以今考之不必盡然也第傳聞異辭迎賽各別故仍

蘄州志

卷之二十

鬼神

九

其目攷訂加察焉

城隍主者舊稱威靈公封爵始明洪武初其所謂公亦五嶽視公四瀆視侯之意川嶽之靈每能因人事善惡以獻福人故公之侯之隱然與官斯土者共分生殺之權又隱然操官斯土者生殺之權而使之不得以私逞蘄俗每歲于六月六日謂城隍誕辰祭賽必備或曰城池之建以是日始故也社公社婆卽俗所稱土地也農人祀以祈穀四時皆祭二月二日爲尤盛其亦古社酒之遺意歟

二郎神舊稱導江縣高濟王次子卽秦李兆云宋元豐立廟灌口得封爲侯蘄衛官軍戍平溪代清浪征諸匪數過灌口甚獲神祐故蘄得祀之每歲六月廿四云神誕日釀金備儀仗鼓吹迎神于市一神前驅似猢猻著半臂執棒謂之孫悟空衆倅倚悟空戴雉尾着赭衣翔儻若狂謂之馬脚其日家各設案剪雞候于門或假悟空怒碎人器用壞人戶牖乾隆十九年州牧錢鑿積薪焚悟空棄其餘于江立碑禁勿迎二郎神碑載藝文

費聖龍君見仙釋

江神若順濟龍王三洞龍王蕭公晏公黑神吳王水府諸神皆謂之江神廟祀不一惟夏至在于文昌閣有祭載祠祀及書院收支項下

順濟龍王熙寧中王師南征有龍伏江中或謂卽晉吳猛許遜所誅大蛇之子也有司以聞詔封王遣太常卿致祭蘄有廟在龍磯之巔徽宗大觀四年封靈順英昭安濟王

三洞龍王在三角山有洞三相傳各有龍潛洞中慶

歷間祈雨有應詔封上洞靈祐侯東洞顯應侯一洞失考紹興時祈雨又應俱進封王

蕭公舊傳名化軒一曰伯軒新淦人沒爲江神元時以其子祥叔合祀焉明初遣官諭祭于汰洋洲永樂中其孫天任卒屢著英異亦合祀之詔封水府通靈廣濟顯應陰祐侯蘄有廟在州治西南濱江晏公舊載名成仔清江鎮人一云臨江縣人元初爲文錦局堂長因病歸發舟尸解人以爲神立廟祀之蘄有廟在乾明磯上洪武十九年州民胡恂建

蘄州志

卷之二十

鬼神

三

後封平浪侯嘉靖三年運使陳大中以不經改爲禹王廟

高山郡王靖明大王莫詳緣起有廟在城北元至正十五年建

三公土主者一提刑按察司何公一安撫使吳公一按撫使張公皆有惠澤于蘄也祀其官祀其姓名諱無聞廟在城內明洪武三年知府徐麟建

白馬神廟在州城大街中石碑現存相傳有大賈乘白馬過蘄爲人劫殺遂爲神故蘄有白馬渡云按

南楚新聞云唐咸通中有姓朱者家于巫峽過
白馬祠禱焉忽聞神語愧子相知吾將去此爲湖
南城隍神天下亦將亂毋遠賈也是歲僖宗以晉
王卽位又一統志載黃州白馬廟爲張桓侯未知
孰是

鄉儼神古稱高陽氏第三子沒而爲儼蘄所事儼非
高陽氏其神有四中一黃衣冠如帝者曰唐明皇
三少年花衣帽從曰太尉按搜神記天寶時田氏
兄弟三人尚遊俠醉卧天津橋明皇微行見之戲

命粉墨塗其面覺而相視大笑遂死見夢于帝曰
臣兄弟蒙賜粉墨魂不知所歸乞臣何職帝曰命
汝爲儼每春陽巡行花柳可乎因令郡邑塑三人
像賜號太尉自是帝屢夢挾二人遊蘄事儼七十
有二家每孟春昇神遍歷其家至則男女羅拜鉦
鼓喧闐旌旆雜沓神降送以歌歌聲烏烏畢則內
神于廟廟一在州南二里許一在郎家坂今廢儼
事亦寢熄

黑神水神也祀三閭祠中俗傳卽三閭大夫子悲父

沉汨羅死號泣烈日中髮焦面目犁黑已而亦投
江死遂爲神斬于五日競渡時舉神登龍舟投角
黍于江鳴鼓哀歌歌聲若云尋爺郎尋爺郎又元
總管吉星戰死李輔葬之鳳凰山土人因依山立
廟又別爲巴茅山後人並稱黑神總管莫辨其爲
兩人也他如楊泗將軍張七張八相公聶三聶四
聶九官人皆無考

七郎神或傳是泰山第七子斬有廟一在道署後一
在赤東湖彈子山神降每執棒對舞自唱麻城張

七郎按一統志宋時麻城人張行七以毀沿江廟
繫獄適有火災釋行七救之立止至城北五腦山
人馬俱化遂爲神

張王爲睢陽無疑每見有塑許遠雷萬春以從祀者
楊州志云張士誠父非也蕪俗于五月迎其神蕪
衛甚盛鄉村各爲社或相值爭道以毆謂之撞張
王又作紙船揚旂幡其上送之江謂之送瘟豈沿
公死爲厲鬼一語而誣歟

吳王三國時甘寧也南宋有鐵騎夜繞金營之異音

封王蘄舊有行宮在羊子塢今廢按吳志寧守下
雉破虜中流矢死富池羣鴉覆屍得不壞今興國
富池有甘寧墓每上巳士女各有挈爲王掃墓義
鴉覆王屍以餒餘餉鴉鴉以故與人狎至今客帆
過富池鴉來噪檣端則喜或以肉食擲空中鴉吻
張十七距張十九飛接無虛擲土人謂之神鴉又
曰鴉將贊王靈也

策山白馬將軍神相傳宋進士胡魁也因殉宋難勅
賜爲神 國初戊己之亂寇賊煽虐土人結砦于

上賊攻之幾下突空中有人乘白馬環甲胄持太
阿匣城四周賊衆望之大駭不敢近奔北死傷者
無算一方安堵張錫爵爲神建寺厥後州牧蔣公
賜額曰鎮國

三司總管不知何許人所禱輒應或云卽三公土主
也

二令相公相傳爲洞庭神意亦楊四張七之類蘄境
惟青山鄉祀之

狂夫之言聖人擇焉其傳聞于父老者不必盡非也
茲于舊志遺事外畧復綴拾一二要必與其地掌故
相發明虞初九百雖多無取焉

一統志載宋理宗景定二年安撫使王益避亂率民
保鴻宿洲築城于今治麟山之陽掘地得墓碣云
本是千年地暫借五百年感謝王刺史移我過西
園按王益爲知州稱安撫誤舊傳爲郭景純所留
自晉迄宋末不止五百年又傳爲荆藩建邸時所
獲皆誤

蘄州今治形家言地如簾形故用三鐵鎮之一爲州
台內戒石前三鐵缸一爲鐵佛寺鐵佛一爲南門
外鐵牯牛鐵缸癸未城破後爲江南人擊碎盜去
鐵佛今尚存至鐵牯牛相傳在南城濠邊土內有
人浴濠中偶傷牛角城中遂犯火災

蘄州防道憲署初建時或占其中宜出太元後宣城
沈公寵其子懋學歸安韓公紹其子敬皆發殿元
兩公先後建節于蘄信地有先兆也

舊志載姑蘓高大史啓修行于蘄之迎山寺按寺在

迎山之隈基甚隘今遍考自環翠亭一詩外在蘄更無他蹟而太史集中亦別無著作可稽其稱在蘄修行不知何據也

明萬歷己未間土人于江中之散花洲得小鐘一口擊之無聲以獻之兵憲王公廻溪亦不能識時大宗伯李公本寧過蘄王公質之李公曰此三國時周公瑾破曹兵軍中會食之鐘也共十有二以重物擊之無聲以蘆葦輕擊之其聲始發驗之果然蘄南城外三里許關帝祠神像甚有生氣城中人事

之甚謹癸未賊後祠爲土人所壞神遂露處韓叅戎爲建祠于荆邱沉香樓之廢址擬移神卜之不許強移之神初像面淺赤豐頰有拙工爲之改削其人立死神前威靈顯著如此乃順治己丑夏事也

一統志載蘄州有鬼鳥宋王禹偁自黃徙蘄聞此鳥詢其名或答曰此名蘄州鬼禹偁大惡之未幾果卒蘄子瞻作禽言詩曰使君向蘄州更唱蘄州鬼我不識使君寧知使君死人生作鬼會不免使君

已老知何晚今按蘄原無此鳥或謂卽梟鳥俗名
扛喪聞其聲卽惡爲不祥然此鳥處處有之春夏
間卵哺時多夜鳴何指爲蘄有也

蘄產百花蛇龍頭有角塞鼻四牙尾有佛指甲脊有
方勝花文死目不陷不食生蟲惟食楠藤子楠藤
可治風故蘄蛇亦可治風相傳蘄北龍峯山舊有
沉香樹楠藤附之蛇多產于此後樹爲人所盜伐
蛇遂渡江移于興國其實往來產聚之地不常惟
楠藤盛處卽有也或曰蛇產處處有之而蘄產獨

靈者以其地所應正在翼火之分星耳

蘄山水秀麗人文故多應之遠不可考近代王公折
節樂與士大夫游往往結爲詩社宗藩中以繪事
擅名者如竹仙之草蟲定王之菊竹鑑虛之松梅
季御伯誠之水墨花卉維宗之松書則如震岳仲
良龍涓諸昆季皆得飄然蕭灑之意縉紳之工書
者若王之栩號天目王之鼎字定仲李新字庚伯
王可象字孝儀王縉號意菴而諸生中有袁素亮
字公寥鍾士良字伯駿陳之京字觀北王瑄字大

玉周至德字文仲張效鍾字期伯陳宰字屠長盧
紳字元薦周宏德字叔毅袁道長字天侔其楷書
行草皆擅絕一時藝林翹楚此文苑之所不能盡
收者故附記于遺事云

蘄俗近文雅善歌者多習吳中雅調雖布衣之士咸
能以絕技擅名如黃綺雲之善謎馮道衡之善奕
雖曰小技王公大人亦樂與游至今猶述爲里中
美譚也

蘄民多尚義邇年橋梁多拆毀如治西之三十里通

上鄉者有大明橋 國朝順治十五年鄉民李如
巖捐貲千金並募化重建之又南路之三十里通
廣濟田家鎮者有馬口橋順治十二年州民梁均
宇重募建不足鬻屋以竣厥工至行旅攸賴二人
出自編氓尤所難也近又有僧海蓮于東山寺鳳
山寺元妙觀俱任募修凡此皆建置與尚義類所
不能盡載並于遺事附之

以上俱舊志

明藩邸雅好賓客布衣若謝茂秦盧次梗等以詩古
文詞相酬答外此一技擅長皆得厠名其間風流

魚雅極一時之盛

國初工詩不獨儒家者流釋子若天章羽士若卧雲皆堪樹幟騷壇今天章詩僅存數首卧雲詩則廣陵散矣聞天章乃皖桐庠士卧雲則天潢之裔也夏竦字子喬江州人謚文莊知蘄州時龐莊敏公爲司法嘗以疾在告忽吏報莊敏死文莊大駭曰此人當爲宰相吏言其家已發喪文莊曰不然卽往見取燈視其面曰此陽證傷寒醫者悞耳亟以承氣湯灌之少頃甦世謂文莊知人多術後與莊敏

並入相

白茅堂集載李言聞傳內李時珍與顧日巖善日巖嘗夢爲詩曰遠色隔林靜屬時珍對對曰明霞對客飛翌日言夢皆合其神交如此 又貢生蕭銓病危夢時珍授以方當用海桐皮治之果愈銓遂讀其書精于醫今醫家稱時珍爲醫聖此亦一事也

白茅堂詩話載蕭霽字東曙長予一歲每與予卽席賦詩皆頃刻就贈予有云欲擬逸才何所似裁雲

鏤月作詩篇嘗賦巾幗行見嘲畧云顧生意氣何
揚揚鼻頭吐火眼出光自言有詩二百章踵門長
跪求雌黃豈知小巫神氣澀幾欲出手還沮藏鍾
會隔牆擲四本不敢對面投嵇康予戲賦龍嶠行
答之有云豈知仙經那可假手執靈文故瀟灑願
爲橋上授書人不識爐頭畫灰者東曙跣足至大
叫僧何目我做不得癸未張獻忠屠蘄予家以貞
節感賊免害東曙被執詈賊賊鬻之痛哉後予說
向張公亮先生先生曰蕭詩輕露君辭重渾吉凶

所以異也東曙有集十卷編類書名道器指囊一
千六百卷並失又嘗謂予曰一穴不兩蛟我當殺
汝予笑曰君當爲員倣我爲李泌何至相殺耶

耳提錄載黃公語云浦心韋蘄州人爲荆藩良醫所
精太素脉是時諸生中名噪人耳者唯予與蕭東
曙浦一夕延予至其家曰勿飲酒夜半吾當爲子
候脉既候而嘆曰吾意子少年科第將有所託今
科第雖不可得而心脉起一峯將來必以文章名
世吉祥壽考固不待言矣惟蕭脉七斷八截恐非

令終之客及城破蕭死獨慘然後知浦術之精
明季蘄州人文頗盛應試常數千人額亦無定并宗
學約五六十名試場于雨湖西岸爲棚或以繩區
之諸童入庠後各持香楮至其處云辭季家嘴又
諸童入庠歸次日晨早各穿巾服詣藩邸朝王王
御殿諸璫如數捧茶至階下飲之各分賜紙筆謝
恩而出

大同鄉巡司署前面山有石如人立山麓卽雲覆菴
防憲徐公賑饑其處題詩二首題雲覆菴詩云茅

菴結在萬山巔只見雲遮不見山寄語山雲遮護
好莫教雞犬識人間贈石人詩云呼爾爲人苦未
休風霜剥落不知愁不如只作峯頭石萬古青蒼
在上頭至今碑在菴左側

四照堂集載康公茂才以元進士官授南康太守歸
命明太祖康郎山之戰厥爲首庸太祖既定天下
論功錫爵爰封蘄國公子鐸嗣爵蘄春侯靖難時
鐸守後宰門勒兵拒命死遂失封世宗起興藩入
纘大統念康公爲楚人功大殄祀甚憫悼勅湖撫

下郡邑求康氏子孫時康姓居蘄青山鄉聞命驚
錯以爲靖難禍復作恐陷族誅有司求急康氏議
一椎魯之人稱爲嫡派赴京陛見上不樂止襲留
京錦衣千戶又別支有流寓燕者號明元光宗爲
太子時明元以黃冠奉祀太清宮香火太子素習
勤苦常諮訪民間事明元乘間陳先世失封狀太
子允復其封尋一月崩遂未議及蘄庠生康再奇
字鳴來蘄國嫡裔其始封券及宋濂所撰制誥萬
歷間州守徐徵驗其券復其丁徭二十戶以示優

恤

州城有朱某亂後漂泊蘄東百里外江邨隱于醫雅
與士大夫文酒遊更姓樊字曰孝山荆府名妓某
工畫蘭楚楚有致酒間曼聲度曲能說開元天寶
故事孝山寵之遂妻焉與之偕老已而孝山病廢
歸蘄結草廬以居今蕪沒矣金太史德嘉有詩云
白頭宮女嫁王孫陋巷頽垣烟雨昏
菴茗爐香曾
此地琵琶一曲客銷魂

